

Cartulaire de l'Abbaye de Redon en Bretagne: [832–1124], Nr. 387

Anno ab incarnatione Domini .M.C.XLVIII., mense novembri, feria .IIII., luna .XVIII., Gaufridus Stultus de Treemer dedit Sancto Salvatori rothonensis monasterii, per manum et in manu Ivonis abbatis, totam hereditatem suam de Ballac in elemosina sempiterna, acceptis ab eodem abbate sibi suisque eiusdem ecclesie rothonensis perpetuis beneficiis. Affuerunt ipse abbas Hubertus et Herveus Micha, monachi; Rainaldus et Daniel, filii Ive de Behtio; Gefre Capuisel, Orri le Bovier, Eon de Bosco; Daniel filius Barbote, Goreden filius Roaut, presbyteri; David famulus; Hubertus et Moyses clericuli, et Alberi. Hoc ipsum prius concesserat idem Gaufridus et duo filii sui, Tomas et Mengui, coram Israele capellano de Concuruz, in manibus Huberti et Hervei Miche, monachorum. Hoc autem precipue fecit monitis et hortatu Gaufridi filii Karadoci. Dedit quoque prefatus Gaufridus Stultus septimum suum de decima dimidie ville que dicitur Coicaden, quam profecto dimidiam villam que de iure antiquo Sancti Salvatoris erat, dedit. Immo reddidit Karadocus, in die quando noster monachus factus est, imminente morte, et quando plene et sollempniter dedit ecclesie Sancti Salvatoris terram que vocatur Vallis de Brengoen, quam pater eius Inisanus, de domo Inisani de Blaing, quando eum de fonte baptismatis levavit, obtinuerat, et eo usque in pace tenuerat, et filius suis Gaufrido et Inisano ipsum donum tenere precepit; qui eciam, ex precepto eius et ex propria bona voluntate eorum, in capella Beate Marie de Ballac ultro venerunt, et propriis manibus prefatam elemosinam Domino Deo Salvatori et beate Marie donantes obtulerunt, et in perpetuum iureiurando confirmaverunt.